

# Rau To Paulus Imbooda Ila To Pilemon

## Philemon

---

<sup>1</sup>You Paulus. You nambesmbees pa Yesu Krisi, tauto aazne tighur ghou naneep ila ruum to yabyabuun lolo.

O Pilemon, yeru tonvetaz toit Timoti nimbood rau tonene ilat tiom pasa, itiņa taluplup ghiit pa uraat to Krisi, ve lolomai payom kat. <sup>2</sup>Ve saveeņ tonene ila to livuud ite Apia, yesuru Arkipus to yeiņa ninim ndaaba to Krisi ve niparab ariņa pa saveeņ toni. Ve ila to lupuun to Krisi to tiluplup di pa suņuuņ ila ruum tiom ne paam.

<sup>3</sup>Poia to Tamaan Maaron ve Tiina toit Yesu Krisi iza tiam, ve tiņgin gham aneep pooi toman lolomim luuma. Onoon.

### Ŋgar to Pilemon igham Paulus lolo poia

<sup>4</sup>O Pilemon, sawa isob to matag iņgal ghom ila suņuuņ tiou, you napait Maaron tiou toman lolog poia. <sup>5</sup>Pasa, naloņlooņ varum tighaze yom ughur ila to Tiina toit Yesu ariņa, ve lolom pa Maaron tamtoghon toni patabuaņa tisob, ve ughamgham poian di.<sup>a</sup>

<sup>6</sup>Ghurla toit, nene ilup ghiit tanim ee moghon wa. Tovenen suņuuņ tiou iņaņarua Maaron payom naghaze ghurla tiom tonanan inim ataam payom ve uwatag katin mbeb popoiadi naol to tagham di ila to Krisi.

<sup>7</sup>Tazig, you nawatag: Yom upapalot Maaron tamtoghon toni, ve ugham di lolodi poia. Ŋgar tiom to lolom pa tamtoghon ve ughamgham poian di, nene igham ghou lolog poia kat, ve ipariaaņ ghou paam.

### Paulus ighaze Pilemon lolo imuul pa Onesimus

<sup>8</sup>O Pilemon, matag iņgal mbeb eez to naghaze ughami. Mbeb tonene, ighaze ughami, nene denja. Ughita. Ituru tanim Krisi le wa. Tovenen you

irau nasaav ariana payom pa ugham mbeb tonene. Eemoghon lolog pa naghham ghom venen maau. <sup>9</sup>You naghaze naghason ghom pooi itaghton ataam to lolood pa tauud. Ughita, you Paulus, aazne nanim olman wa. Ve naghham Krisi nagho ve navovotia aliya pa tamtoghon. Tauto aazne, tighur ghou nalooy nala ruum to yabyabuuy. <sup>10</sup>Naghaze naghason ghom pa natug Onesimus. Sawa to nanepneep ila ruum to yabyabuuy tonene lolo, ye inim peria tiou, ve nasavia Krisi varu pani. Tauto itoor ngar toni ila pa Maaron, le aazne naghita inimale natug.<sup>b</sup>

<sup>11</sup>Onoon, ye mbesooya tiom. Eemoghon muuy, ye iuul ghom kat maau. Ve aazne, ye irau iuul ghom, ve iuul ghou paam.<sup>c</sup>

<sup>12</sup>You lolog pani kat. Eemoghon you pale napamuula ilat tiom. <sup>13</sup>Onoon, aazne tighur ghou nalooy nala ruum to yabyabuuy tonene lolo pasa, navovotia varu poia. Tovenen naghaze nanguruut Onesimus ineep toman ghou, leso igham inam ve iuul ghou. <sup>14</sup>Eemoghon lolog pa naghham mbeb eta itaghton taug ngar tiou maau. Ve irau nazoordug payom pa ugham ngar tonene maau. Naghaze ughami toman lolom poia. Ighaze uyok, ghoru nakis Onesimus ineep toman ghou. Ighaze maau, ghoru imuul ilat tiom.<sup>d</sup>

<sup>15</sup>Itit takankan pa pughu to Onesimus ipul ghom pa soso ris tonene. Nene avaat ataam to Maaron itoor Onesimus ngar toni, ve inim Krisi le. Leso imuul ilat tiom, ve yamru alup gham ve aneep itaghton gha ila.

<sup>16</sup>Sawa to ye ilat ivot, ughita inimale mbesooya sorok moghon malep. Onoon, ye mbesooya tiom. Eemoghon yom irau ughita inimale tojvetaz to Krisi, ve lolom pani kat. You paam, lolog pani. Eemoghon yom pale lolom pani kat. Pasa, yamru anim Tiina toit Krisi le wa. Tovenen ye inim tojvetaz tiom to Krisi, ve ye pale inim mbesooya poia eez payom paam.<sup>e</sup>

<sup>17</sup>Tovenen ighaze yom ughita ghou ighaze itam ite you, ve ituru lupuuy toit ee moghon, ghoru sawa to Onesimus ilat ivot, ughami toman lolom poia, raraate inimale ugham ghou. <sup>18</sup>Ve ighaze ye igham sosor eta payom, ma ye le bun eta ineep ilat tiom, ughur izag pani. Sawa sine to ighaze natal, ghoru nagharaata. <sup>19</sup>Nene taug nimag to nambood saveep tonene. Onoon kat, you pale nayat bun toni isob ilat tiom. Eemoghon yom uwatag: Bun tiom tiina eez to ineep tiou ne. Pasa you, tauto ugham nepooy poia ila to Krisi. Eemoghon irau avog ila pa mbeb tonene maau. <sup>20</sup>Aa tazig, ituru tanim Tiina toit Krisi le wa. Tovenen naghaze uul ghou ve ugham mbeb tonene. Leso urab ateg, ve ugham ghou lolog poia itaghton ngar to Krisi. <sup>21</sup>Sawa to nambood rau tonene, lolog ru payom maau. You nawatag: Yom pale utaghton aliya. Ve tonene moghon maau.

**b 1:10** Kol 4:9    **c 1:11** Ila yes Grika aliya, pisis Onesimus pughu, nene: 'iuul.'

**d 1:14** 2Kor 9:7    **e 1:16** 1Kor 7:21+; Ep 6:9; 1Tim 6:2

Matag iŋgal naghaze yom pale ugham mbeb ite paam ilib pa mbeb tonene.<sup>f</sup>

<sup>22</sup>O, ve mbeb ite. Naghaze yom ughur ruum suruvu eta isañan ghou pataghaañ. Pasa, naghur ila naghaze Maaron pale ilooŋ sujuuŋ tiam, ve ipas ghou navot pa ruum to yabyabuŋ tonene, ve nalat.

### Paulus ipasob saveeŋ toni

<sup>23</sup>Itaad ite Epapras, ndag poia toni ilat payom paam. Yeru ninepneep ila ruum to yabyabuŋ tonene lolo pasa, nitaghon Krisi.<sup>g</sup>

<sup>24</sup>Ve ye moghon maau. Markus, Aristarkus, Demas, ve Lukas to yeiŋa niluplup ghei pa uraat ne, yes paam tigham ndag poia todi ilat payom.<sup>h</sup>

<sup>25</sup>Poia to Tiina toit Yesu Krisi iza to yam asob tonanan. Onoon.

---

**f 1:21** Iŋgara pida matadi iŋgal tighaze mbeb ite paam to Paulus isavia, nene vene: Pilemon pale ipul Onesimus sorok. Leso inim mbesooŋa sorok muul sob. Pasa, ŋgar to tagham tamtoghon tinim mbesooŋa sorok, nene deŋia pa Krisi ŋgar toni maau. **g 1:23** Kol 1:7, 4:12 **h 1:24** Mbaŋ 15:37+, 19:29, 27:2; Kol 4:14; 2Tim 4:10+